



TOSHKENT DAVLAT YURIDIK UNIVERSITETI REKTORINING B U Y R U G ' I

13.07.2023

395-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Xalqaro huquq va qiyosiy huquqshunoslik fakulteti 1-kurs talabasi Xojimirzayev Rustamjon mazkur fakultetning 1-kursi talabasi Rashidova Laziza bilan do'stona uchrashib yurgan, oradan vaqt o'tib o'rtalarida kelishmovchilik kelib chiqqan va L.Rashidova tinch qo'yishini unga aytgan, shunga qaramasdan R.Xojimirzayev uni uyigacha kuzatib qo'ygan hamda ruhiy hayajonlanish holatida qo'pol so'zlar bilan L.Rashidovani haqorat qilgan.

Mazkur holat bo'yicha Xalqaro huquq va qiyosiy huquqshunoslik fakulteti 1-kurs talabasi Rashidova Lazizaning ota-onasi A.Akilova va R.Akilovlar tomonidan 2023-yil 12-iyun kuni TDYU rektoriga murojaat qilishgan hamda o'z murojaatlarida TDYU 1-kursda tahsil oluvchi talaba Xojimirzayev Rustamjon Abdujalil o'g'li ularning qizi Rashidova Laziza Rashidovnaga tahdid qilib, gaplashishga majburlab, tinchligini buzayotganini qayd etib, mazkur talabaga nisbatan chora ko'rishni so'ragan.

Mazkur holatga bo'yicha fakultetning 1-kurs talabasi L.Rashidova o'z tushuntirish xatida talaba R.Xojimirzayev uning tinchini buzib, tahdid qilgani, jamoat joyida so'kkani, dars davomida rasimga tushirib, instagrammga istoriyaga qo'yishini aytib qo'rqitgani, uyigacha borib tinchligini buzayotganini qayd etgan.

Shuningdek, talaba R.Xojimirzayev o'z tushuntirish xatida L.Rashidovani yaxshi ko'rib do'stona uchrashib yurgani, oradan vaqt o'tib o'rtalarida kelishmovchilik kelib chiqqani, L.Rashidova o'zini tinch qo'yishini aytgani, shunga qaramasdan uni uyigacha kuzatib qo'ygani, ruhiy hayajonlanish holatida qo'pol so'zlar bilan haqorat qilgani, qilgan ishidan pushaymonligini bildirgan.

Talaba R.Xojimirzayev mazkur harakatlari bilan TDYU Odob-axloq kodeksi 16-moddasi 2-bandi (har qanday huquqbuzarlik yoki jinoyat sodir etish,

jumladan, tuhmat qilish, haqoratlash qat'iyan taqiqlanadi) hamda 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) talabalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 16-moddasi 2-bandi, 18-moddasi 2-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet Odob-axloq kodeksi 16-moddasi 2-bandi va 18-moddasi 2-xatboshisi talabalarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Xojimirzayev Rustamjon Abdujalil o'g'liga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan universitet talabalarini tanishtirsin.

3. Fakultet dekani (D.Umarxanova):

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin;

mazkur talabaning shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Direktor

SH.PO‘LOTOV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV

